






浙江圖書館



浙江圖書館





浙江圖書館



浙江圖書館



浙江圖書館



國權卷八

癸未崇禎十六年正月丙申朔命各督撫圖功自贖。建人攻開州

丁酉李自成陷承天總兵錢中選戰歿巡撫湖廣右僉都御史宋一鶴自經知府扶風王琰固守宣城沈壽崇鍾祥知縣建昌蕭漢死之漢字雲濤崇禎丁丑進士知鍾祥有深聲賊戒其部曰殺賢令者死無赦乃幽之寺中戒諸僧曰今若死當屠爾寺僧謹視之漢曰吾盡吾道不得汝法遂自經巡按御史李振聲以李自成同邑認振聲為兄振聲罵曰汝乃奴泉



館



鹽官談叟 孺木著



里死賊吾乃太安里鄉紳恨不能手刃汝尚言降耶遂羈振
殺於襄陽檀溪寺後殺于裕州南門外因忤左營監軍周乃
深誣其降賊商邱陳明盛陷賊自見振殺不屈特白其事自
成改承天曰揚武州崇王由積改襄陽伯郢陵王在鉞改東
陽伯保寧王紹熙改宣陽伯肅寧王術授改順義伯欽天監
博士楊永裕降李自成稱天文禮樂兵法地理俱該洽請發
顯陵倏散起山谷若雷震乃止嗣後勸進牛金星不可而自
成心欲之于是設六政府侍郎：中從事等官其示約批發
悉出永裕增府同知州判官縣丞簿俱質其親屬遣之以襄
陽為襄京修宮殿吏政府侍郎石首喻上猷辛未進士御史
郎中江陵何丘貢士從事鍾祥顧君恩歲貢戶政府侍郎江

陵蕭應坤萬曆丙辰進士江西布政事從江陵郭附龍諸生
禮政府侍郎招遠楊永裕兵政府郎中江陵王家柱丁丑進
士貴池知縣從事江陵傅朝升諸生刑政府郎中江陵鄧叢
忠丙子貢士荊州防禦使洛陽孟長庚貢士荊州府尹長葛
張雲機諸生揚武防禦使洛陽陳蓋甲戌進士安陸府尹商
州姚胤錫貢士襄陽防禦使邾縣李之綱諸生襄陽府尹室
豐牛佺諸生南陽禦防使鍾祥吳大鴈諸生南陽府尹江陵
劉蘓貢士信陽防禦使江陵黃閣貢士汝寧防禦使江陵金
有章貢士汝寧府尹江陵鄧璉貢士均平府尹鍾祥劉懋先
諸生喻上猷荐江陵貢士陳萬策李開先檄下万策自行開
先觸墻死初自成蹂躪中原陷城克邑多不守及渡漢江長

驅入荆見無一兵遂有據志先守荆襄次及承天德安漸及
汝南分設衛兵以制將軍任光榮兵六千守荆州左威將軍
蘭養成步兵八百守夷陵右威武將軍牛萬才騎兵六百帥
標都尉張礼水兵六百分守夷陵帥標威武將軍王文耀兵
六千守澧州果毅將軍白旺兵三千守安陸都尉董雲林兵
六百守荆門帥標威武將軍謝應龍兵三千守漢川之馬家
隔左衛都尉馬忠泰兵六百守顯陵左威武將軍高一功右
威武將軍馮雄各領兵二千威武將軍朝華美兵八百守信
陽果毅將軍周鳳梧兵二千守禹鄭二州自成入楚後人
心惶惧各弃城走張猷忠乘之進師攻取。吏科都給事中
吳麟徵等疏救姜埰熊開元不聽。黃河口燬漕船舟三千五

百隻

戊戌

己亥建人攻滑州趨東昌

庚子

辛丑

壬寅

癸卯

甲辰李乾德為右僉都御史撫治鄖陽朱一馮為右僉都御史

巡撫宣府

乙巳逮前順天巡撫潘永圖山永巡撫馬成名。寇陷雲夢

丙午享大廟。寇陷孝感

浙王圖書館

丁未右庶子楊觀光修撰劉理順各以直東宮講讀不便守門
免之。李自成至黃陂官吏先遁賊設偽令士民殺之賊怒
恐黃陂屠之墮其城

館

戊申

陷景陵賊別將陷德安黃州守將王允成弃城東下

掠客舟大擾江南北

書

已酉刑部尚書徐石麒罷郎中列所張名錄削籍以姜埰熊開
元竟其獄不廷訊也

庚戌

辛亥左良玉復監利

浙

江

壬子諭都察院專責巡按痛革沿習力行察吏安民之事勿憚
辛勤勿徇情面勿縱吏胥其詳議條奏

癸丑戶科給事中袁彭年言涿州知州劉三聘奏荐逆輔馮銓
請假便宜行事夫鄉紳城守在：有之亦自為身家計事平
旌勞可也何至借口公舉為捲館燃灰之事哉

甲寅

乙卯吏部奉命甄別京堂光祿寺卿葛徵奇太常寺少卿提橋
宜調南京太僕寺少卿李端宜劾南京大理寺卿李一鵬宜
免應天府尹邦逢吉宜改大理寺丞余文燭宜閑住秦上報
可

丙辰

浙

丁巳左良玉復石首。張猷忠陷蘄州夜梯城而入旦日猷忠
入城令荐紳孝廉文學各冠帶自東門入西門出皆斬之御

史饒京等預焉開各門放男子出留婦女毀城稍不力即被
殺江防道副使仁和許文岐微服出被執敵忠曾取杭城識
之文岐頗札之絮于行營陰謀圖賊四月十八日殺于麻城
初荆王由杼性狂蕩嘗市馬募圍人得霍承忠問其所生歲
月日時皆與王同大異之曰爾即我也命侑酒有是非承忠
不快也授校尉納級指揮捐金為治宅時過飲甚歡邸中事
皆預焉因通次妃桂氏諸宗室訴于副使許文岐捕之匿於
王宮而事益急遂走入張獻忠所為軍鋒而王孝薨矣妃蕭
氏同世子先一日出奔承恩馳入王府絮桂妃去
戊午止巡撫甘肅右副都御史林日瑞入援。禮科都給事中
沈胤培請補河南鄉試從之。夜嘉興見日如西出二三次

而沒

巳未左良玉復公安

庚申

辛酉左良玉復隨州

壬戌

癸亥

甲子是月滄州後濠得石碑鏤一陰道人題曰無足者烏無角者牛並出北海實被醜謀天心厭亂必斯之偶山東之竇死不可留

二月乙丑朔日食。滄州獲火藥數萬斤及西洋砲四十俱刻兵部尚書劉伯溫造

圖書館

丙寅

丁卯建人掠壽光

戊辰上祭太社太稷先一日清霽至期大風雨五色土炬滅諸

閣幕黃布廢紙幃之拜訖而退還宮仍清霽御史曹溶導駕

明日題奏灾異閣臣沮之。建人攻德州入武定

己巳

圖

庚午李自成遣賊陷麻城分其兵為四馬守應守承天羅汝才

守襄陽賀一龍往黃州自將其一

辛未

浙

壬申命追^劾戶部尚書傅淑訓兵部尚書陳新甲以該科不先劾

也。戶科右給事中熊汝霖謫福建按察司照磨汝霖前劾

也。戶科右給事中熊汝霖諫福建按察司照磨沙雪首
巡撫九人語侵周延儒上怒貶於外。建人攻樂陵

癸酉

甲戌命給事中左懋第郭克茅催曾南直浙江。西湖廣。左
副都御史張瑋舉一極廉前御史成勇糾一極貪御史王志
舉瑋尋致仕。建人入萊陽教邑人故工部右侍郎宋汝更
部郎中宗應亨中書舍人趙士驥知縣張弘德等萊陽知縣
真定陳顯際自經顯際字道昇崇禎庚辰進士先是敵來攻
合禦却之而宋氏世潤素橫于里方置酒高會或購敵一夕
陷之

乙亥御史趙巽劾兵部尚書張國維不問

丙子

丁丑

戊寅張忻朱世守為刑部左右侍郎高倬為南京右僉都御史
提督操江秦所式為右僉都御史巡撫河南徐標為右僉都
御史巡撫保定

書

巳卯

庚辰平賊將軍左良玉避賊東下沿江縱掠土寇叛兵俱間左
兵攻剽南都大震苗守遣兵擊之斬千人稍戢洎安慶兵備
道僉事張亮登其舟苗之勦協不聽

辛巳止總督漕運史可法入援。大學士周延儒自陳宿直廬

壬辰命入直

壬午山東總兵列澤清敗建人於安邱。左良玉泊池州清溪

口部衆副兵王允成稱以二千人勤王縱掠青陽南陵繁間
沿江騷動薄于蕪湖競傳其兵叛南京兵部尚書熊明遇遣
提督孫尚進搃兵杜茂弘域各引兵至蕪湖東梁山以觀變
明遇知良王為尚書侯恂舊部恂次子方域遠在金陵代為
尚書。諭之良王得書稟答卑謹如平時

楊廷樞曰寧南感恩原不欲負朝廷者駕馭失宜以致不
終深可嘆也

癸未粥近畿難民。李自成攻邦縣知縣李貞率士民堅守一
晝夜殺傷甚衆賊百道攻陷縱兵大殺李叱賊曰驅百姓死
守者我耳安殺何為罵賊不已賊磔之母喬及妻俱死
之

甲申乙酉

乙酉

丙戌

丁亥張獻忠陷陽

戊子京師大風霾夜震長安街石坊天津城門自開。提督漕

運朱大典免忻城伯趙之龍刻其貪婪狀上命撫按

之

己巳許巡按河南御史蘓京募標兵四千人

庚寅左良玉還池州在池喻四句雞犬一空經採銅陵遺南京

諸臣書云暫駐池州伏候鈞示。職方郎中尹民興等請復

劉宗周金光宸官不聽

館

書

五

辛卯

壬辰起憲世左副都御史呂大器仍以兵部右侍郎兼右僉都

御史提督保定山東河北軍務館建人出登萊合軍

談遷曰戊巳聞東師再入洛鎮之兵騎躡趙蹂齊馳突二
千里烟燧望於淮海當其時建牙如山分戍如林咸縮胸
逆避無櫻其鋒者遇難諸臣雖身膏草野予敵頭顱非常
山睢陽之節也蓋南風不逆競魚潰獸挺末銳已盡寧俟
甲乙間見之哉

命偏巡撫移荊州撫治鄖陽控扼襄鄖湖廣巡撫則往來承
天德安蘄黃間

癸巳是月趙王常清薨謚穆王其伯成羣王翊攝國事。虎

入武昌正陽門民家獲之。巡撫河南右僉都御史王漢招諭永城叛兵入城中砲死漢字子房掖縣人崇禎丁丑進士壬午六月擢御史奉命督理援兵未決月巡按河南尋補巡撫變聞贈兵部尚書廕錦衣衛百戶

談遷曰王漢在臺不半載躡府趨進之速前此未有也身陷永城出於不意雖未為失策于成事何居焉而隆爵世廕卹典之渥設殄大寇奏奇捷又何以加焉當事不揆本末幽光過溢此曹子酹以少牢亦足以死矣

三月甲午朔暹羅入貢

浙

乙未澧州土寇勾李自成陷常德常德富甲湖南粟支十年巡撫陳睿謨遇賊於郊先奔民無固志遂陷之自是辰岳相繼

俱陷雲貴路梗矣。建人陷順德。敕知府吉孔嘉。吏部言入覲官道梗。俟四月朔大計從之。

丙申

館

丁酉儀制主事吳時昌。改文選主事。署郎中事。以吏部尚書鄭三俊荐也。昌時好結納。通司禮太監王化民等。覲銓司三俊嘗以河鄉人徐石麒麟答曰君子也。三俊特荐。蓋石麒麟畏昌時機深非忠告也。張猷忠陷蘄水屠之。奸官周之任購之也。知縣嘉興吳振芳遁。建人攻德州不克。往西北別部攻武定州。拒却之。俄守備放炮誤傷臂。守者潰城遂陷。召左諭德方拱乾。御史祁彪佳。刑部右侍郎朱世守及會稽人凌超于中左門。超自劾。知兵覲大用。既召對。命往通督行營。贊畫。

大失望又奏兵事不聽

戊戌

己亥

庚子建人攻樂陵

辛丑毛士龍為右僉都御史郭都賢為右僉都御史巡撫江西

。李自成殺其黨羅汝才賀一龍兩部兵馬最雄自成忌之

偽晏兩人汝才疑不至即席斬三龍凌晨十二騎突入汝

才營斬之汝才延安人同李自成列國龍投高氏營高氏敗

自成為雄自成兵善攻汝才兵善戰而汝才淫侈自成忌汝

才并斬其主謀貢士尤玄珪分其兵初自成授馬守應永輔

營英武將軍在澧州聞汝才一龍死懼甚屢徵不至李自成

館

書

為海昌義武大元帥一品武將軍二品武制將軍三品武

偽稱倡義文武大元帥 一品 次權將軍 二品 次制將軍 三品 次
果毅將軍 四品 次威武將軍 五品 次都尉 六品 次掌旅 七品
次部 摠 八品 次哨 摠 九品 時提督將軍 營權將軍 田見秀帥
標權將軍 列宗敏 狡悍善戰 賊恃之 帥標制將軍 賀錦帥標
正威將軍 張鷟 自成義子也 帥標副威武將軍 党守素 帥標
左威武將軍 辛思忠 標左果毅將軍 谷大成 首隊 標右威武
將軍 李友 次隊 標前果毅將軍 任繼 營標後果毅將軍 吳汝
義 左營制將軍 列芳亮 左營副制將軍 劉希堯 左營果毅將
軍 馬世雄 左營威武將軍 列汝魁 右營果毅將軍 白鴻鶴 右
營右果毅將軍 列体純 前營果毅將軍 田虎 後營制將軍 李
通 左日眇 少年驍戰 後營左果毅將軍 張能 性狡喜殺

後營右果毅將軍馬重儔帥標旗鼓楊彥芳加威武將軍帥
標旗鼓趙應元朱養民范鼎華共兵二百三十餘隊：各建
一標營將各一纛標營白幟帶以雜色纛皆黑色左營幟皆
白石皆緋前皆赤後皆黑纛各隨其色也自成獨白鬃大纛
銀浮屠不用雉羽臨戰輒領標為前

壬寅南京戶部尚書張慎言兼南京石僉都御史。建人攻大

掠慶雲

癸卯^命大學士吳牲兼兵部尚書督師平寇賜尚方劍給五萬金

旌功

甲辰命紫荊閔及宣大山西治兵挫敵毋縱突取咎

乙巳孟兆祥為通政使王楊基為右僉都御史巡撫承天德安

。以巡撫登來右僉都御史曾櫻縱敵責之

丙午建人陷南宮。提督鳳陽馬士英移兵攻永城劉起

丁未督師大學士吳牲言今日集兵措餉必先鞏固江南乃可

恢復江北則武昌九江其要也衡也賊精兵不下二三十萬

我兵非十萬不能爭鋒孫傳庭敗餘殘卒無幾須俟敵退後

邊鎮援兵調赴秦中聽傳庭選調勦寇兵力為少厚臣宜道

陵急趨九江武昌相機進止且可調集兵餉接濟江北令各

撫鎮兵扼險上是之遂設標兵二萬。盜陷武岡州殺岷王

企鎧時常德衡桂蠻獠皆伺隙土寇勾引攻掠

戊申國子生徐爾斗上啟大學士農徐光啟農書命梓行

巳酉

庚戌建人取道彰德順德北向命嚴真定保定守備。前左副都御史張瑋卒武進人弘光初贈吏部右侍郎謚清惠

辛亥

壬子

癸丑

甲寅

乙卯

丙辰速入覲官大計。免直隸山東破殘州縣去年田租。張

猷忠復陷黃州執副使樊維城欲降之不屈賊刺之洞胸死

獻忠自稱西王麻城諸生周文江迎降獻忠授以知縣尋陷

羅田

江圖書館

丁巳胡應台為南京中郎尚書起高弘圖南京兵部右侍郎王

丁巳胡應台為南京戶部尚書起高弘圖南京兵部右侍郎王
聚奎為右僉都御史巡撫湖廣吳麟瑞為右僉都御史巡撫
偏沅

戊午例轉給事中范士髦等四人御史陳蓋等六人故事例轉
科一道二文選主事吳昌時特廣其數意嚇臺省為异口驅
除地也。總督鳳陽馬士英前調貴州兵五萬百至祁門娶
源滄掠婺源人享於汪氏一夕燬之士英劾徽州知府唐德
良懿推官吳翔鳳祁門知縣朱世平鄉官山東僉事金聲命
逮翔鳳世平声散至淮安命起用會母卒夏去

己未

庚申

辛酉

壬戌刑部擬戍姜琛不許

癸亥建人至易州之楊村命各督撫會勦。兵部右侍郎倪元璐名對申奏曰今之本謀存乎主術力行仁義提扼綱紀愛惜人才崇尚氣節定心志一議論信詔令慎刑賞其下則竭忠畢力惟敵是求如此何患大功不成太平無日乎臣沿途凡遇兵將輒稱敵實難殺而遇難民皆云敵實可圖蓋兵將見形難兵見情凡稱鉄騎精兵綿亘數十里衝突飄忽所向無前者形也兵將見而震之真敵無幾遼過多又敵人歸營散渙疎畧又遼人每凌西人心志不咸者此其情也難民入敵中而知之夫攻形用力攻情用謀今行間諸臣烏有能用

謀者乎寡不可禦衆弱不可禦強雖零捷時有而大獲無聞
防守有餘而勦擊不足非不用力勢使然也至於我兵情形
惟見卑弱臣至淮上此天下重鎮乃撫院標兵不滿二千每
日兵餉不過五分撫臣史可法最稱忠勇嘗敵攻淮北亦僅
畫河為守邊敵南渡已耳濟南德州土兵皆不滿千山東標
兵亦僅三千其餉皆同淮上所見應天浙江：西援兵皆無
馬甲餉有不足四分者搃兵唐通今之名將統兵不滿三千
曾對臣言亦不任殺敵嗟乎竭天下之財以養兵而兵飢如
此宜乎兵多乃餉薄而兵少又如此臣誠不知其故也今敵
分東西二路東路謀至青縣大城西路從定州移方順橋稍
西臣度其必俟兩幟相望西路從保定突衝良涿轉掠過東

合營出口宜及敵未合盡合各路兵并攻東路勿擊首尾避其鋒悍制奇設伏直搗中堅凡敵輜重難民率居中堅猝擊衝之難民必亂勢成破竹東路既潰西則路自不敢東勢不得不趨固龍二閘墨於險阻于是合山西宣大保定三路重兵遮追夾擊亦可得志如此庶成大創去不復來今敵分兵亦與俱分恐敵合兵不得復合敵勢併力奮死即遂翻然枕席上已孰復有誰何者乎臣度遠人報功以奪回難民張皇露布此于九年牛之一毛何損急須傳飭方今禦寇機宜在乎足財安民以臣愚見督撫行軍必假利柄一切屯鑄醴權之務悉聽便宜昔宋邊將家屬皆食于縣官市租權稅悉蠲予之凡將皆有黃金享士牛酒犒師終宋之世名將如雲職

此之故取將之法必使難貴易富極貴極必驕富強必勇火

此之故取將之法必使難貴易富極貴極必驕富極必勇伏
望聖裁。簡討汪瑋上言創大業者必先立根本而後可以
言進取定大亂者必先固根本而後可以言蕩除臣世籍金
陵請以今日之急務陳之留都城周回百二十里竟一日之
足不能偏集十萬之衆不能周是以策留都者謂無守城之
法止有守江之法賊自北而來則淮為之防賊自上而下則
九江為之防故禦淮即所以禦江守九江即所以守金陵也
考之地形武昌譬^之大門也九江譬之階除太平譬之堂奧也
宜設重臣駐節武昌上為圖荆襄修復顯陵之本下為扼蘄
黃接九江鞏壯孝陵之勢至於九江宜建督撫太平采石宜
命南京侍郎建牙於此若文武操臣宜駐師新江口以專隄

防備策應浦江口頗狹一葦可杭宜以待郎一人守之仍命
巡江御史防江防之所不及輯陸路之暗通者此上江之布
置也若城中之守惟在聯合人心保無內潰大司馬名為贊
畫與百姓尊而不親府尹府丞所宜重其權久而任以聯百
萬士民之心內增無形之金湯而分佐司馬操江之責任者
此也尤可異者南中兵部與操江事不相涉操江欲用兵而
無人兵部宿重兵而無用豈成五_應休並濟之誼臣以為操江
與民_兵部軍中之事宜呼吸相通無以城之內江之上功罪不
相及遂置不問也此城內之布置也又留都最重清議清議
所歸雖處下僚而巨室想望丰采今操江之_督臣及京兆非久
任地方威望素著者未可勝此而愉快至於兵則大小水陸

四營神機巡遊二營未嘗乏人督輔得人則羣材輻輳况有
廢棄之將可按籍而起山林之材可側席而訪乎此用人之法
也臣按南京營兵舊稱十萬有餘今不過三萬乃兵虧而餉
不減宜依舊額補足以江上督撫分而領之自可得防守之
助矣江守以船為急察新江口江舊額四百有奇今存百十
隻耳船隻皆有舊額錢糧一請出補足原數而新設之汛
地尤宜多造船隻以備中流之擊或用有不足暫借鹽課截
漕艘此亦設處之一法也防守既備務使扁舟不得渡江孝
陵即可安堵孝陵既安然後顯陵可規進取况三吳兩浙錢
糧數百萬都門待以為命者地形又在金陵之下一水可通
所繫何如其重而皆視武昌上流以為安危則其圖之可不

早而言之可不詳歟

四月甲子朔吏部始大計。建人北折道畿內經宝坻

乙丑御史祁彪佳劾文選郎中吳昌時秦制弄權徐殿臣賀登

選各疏劾之。改禮闈八月

書

丙寅

丁卯

戊辰大學士周延儒自請督師禦敵襄城伯李國禎請選官舍

銳士從征報可。釋輕繫

巳巳

庚午

辛未寇從監利窺岳州分趨城陵磯荆河口車灣巡按御史列

浙

圖

無殊禦禦之...

熙祚禦郤之華容安鄉石首口安監利冠俱退

壬申

癸酉定王冠。命太監李國輔諭援勦搃兵左良玉良玉辨副
兵搃王允成非叛也以營兵不戒。令襄城伯李國損選練
官舍歸併京營

甲戌

乙亥袁繼咸為兵部尚書右侍郎兼右僉都御史搃督江廣應

晚軍務餉扼九江

丙子暫停河工。聞建人至琉璃河命各督撫扼勦毋逸

丁丑

戊寅

國運

卷八

巳卯

庚辰

辛巳戰于螺山八鎮皆逃惟步營兩監軍御史在御史蔣拱辰

飾功報捷

壬午復朱國弼撫寧侯

癸未晏督師大學士周延儒于武英殿

甲申諭士民擒斬偽官者秩之收捕賊徒者賞能俘獻即起擢

。宣大提督孫晉請東行逐胡命聽元輔節制

乙酉

丙戌周延儒報斬百餘級時邊牆毀折所掠子女金帛捆載出入如織卒無一失加遺也。張獻忠陷麻城署縣教諭蕭頌

聖廟殿。張獻忠自鳴蜚州度壽武昌前大學士賀廷聖司

聖自殺。張猷忠自鴨蛋洲渡擣武昌前大學士賀逢聖同
守臣力拒

丁亥

戊子

己丑

庚寅

辛卯

壬辰是月鄢陵陷霜殺麥民飢食蓬實

五月癸巳朔提兵方國安率兵七千扼蘄州張猷忠西向武昌

武昌備禦積弛議募兵守城而乏餉楚王有積金百萬有司
請貸金以贍軍王不應大學士賀逢聖家居倡義捐貲金謂

圖書館

五

宜募王著遠承天潰兵下楚王募之為軍鋒以長史徐學顏領之号楚府兵

甲午召周延儒入朝。張獻忠悉師破漢陽臨江欲渡武昌大震議撤江上兵嬰城守叅將崔文榮曰守城不如守江守江不如守漢磨盤煤炭諸洲淺不過馬腹縱之飛渡而嬰城坐困非策也守臣不從賊果從煤炭洲潛渡逼城文榮禦之小利賊攻武勝門文榮力拒多殺傷。降將惠登相王光恩在鄖陽陰使人招羅汝才所部多奔降李自成怒攻鄖陽屢敗之自成遂築長圍以困鄖列宗聞以五萬人來攻 乙未 下

乙未

丙申命延安討清寧夏兵加意監軍建地可爾惠象無周發

丙申令延綏甘肅寧夏各兵即遣監軍速馳河南聽豫撫調發
時巡撫河南石僉都御史秦所式上言中州大勢李羅蹂躪
五郡八十餘城盡為瓦礫及賀左諸寇由宛汝跨江漢旬日
陷數名郡此徐寇之大畧也自永城以至閩鄉靈室自宛汝
抵河岸方千里之內皆土賊栖山結寨日事焚掠此土寇之
大略也邊必賊須兵田撫餘兵不及二千陳永福殘卒未及
四千合下從善三千餘人亦不滿萬此主兵之大畧也用兵
必裕餉河南五郡淪沒河北強牛蒿萊額徵五十萬然年完
不及二十萬撫鎮闕餉五月此糧餉之大略也轉餉必須民
河南絰寇十餘年人烟幾斷守城修河轉運至於稚子荷旗
老嫗鳴柝此民生之大略也撫民必須官按任籍則有人稽

地方則無官或年餘不赴或土團寄命此官吏之大略也惟願皇上速發內帑亟練精銳佐以土寨開荒遜牧則庶其有濟乎

丁酉寇陷保康知縣石惟壇死之書

戊戌

已亥召巡撫保定右僉都御史徐標入對標曰臣自江淮來數千里見城陷處蕩然一空即有完城僅餘四壁蓬蒿滿路雞犬無音曾未遇一耕者皇上何以致治乎上欷歔泣下標又曰須嚴邊防天下以邊疆為門戶門戶固則堂奧安宜先時修備與其重治於失事之後而無益不如嚴密于無事之日而有備也又曰修內治全在守令守令賢則政簡刑清盜息

民安矣上曰諸臣不實心任事以至此皆朕之罪標又言車
戰墾田所謂墾田者與屯田不同止就納糧之地招民開種
民賦漸復國課自完上善之標四月己卯受事辛卯陞見賜
金幣至是復召蓋上憫飢民欲得其詳也

庚子馳賜周延儒金幣

辛丑周延儒奏臣中夜有警自順義抵密雲趣各督撫逐胡今
俱出塞上溫旨勞之

談遷曰建人雖積悔我吏卒然深入日久夫竭弓脫資裝
甚重士馬俱憊各帳稟不自全使燕齊之間少有鬪將獨
當一陣襲其後彼為遁計能自完乎宜興巧人也自請逐
謂乘其敝而圖之似易宜急馳塞下設伏險隘分兵邀

截向便掩擊庶不負請纓之志顧尾而縱之克還無害則何煩丞相之驅馳也相傳入建人重賂或祖洪基在敵故通款得假其道耶

李自成遣兵十萬至禹州守將楊芳張朗迎賊：設偽官之任。周應期為右副都御史總理京東山永天津宣大屯務駐何家圈馮師孔為右僉都御史巡撫陝西

壬寅

癸卯戶部尚書傅淑訓除名兵部尚書張國維罷以倪元璐為戶部尚書馮元飈為兵部尚書不得例辭時大學士陳演謀首揆說上曰天下不治由兵農不合今以元璐主賦元飈主兵彼此參合不日可治上心然之故有是命。李自成在襄

陽所造宮殿皆傾遂移屯鄧州益兵攻鄆陽王光恩禦之賊
屢敗孫傅庭復遣高傑來援又敗之賊退屯襄陽拘鉄工造
鉄鉤釘謀向潼關逾山險。永城叛兵出降馬士英合軍圍
誅之俘列起入京

甲辰諭區別行間功罪范志完兵無紀律解任聽議趙光祚借
修城糜費草職俟斟呂大器孫晉王鰲永金之後趙維岳李
希沆各議叙王永吉失事但兵止二千仍聽撫王繼謨先功後
罪史可法馮元飈亦失事聽察或曰王永吉陷七十餘城兵
少見原何以慰前李懋芳于死也。諭兵部如各提兵入援
至近郊許陞見

乙巳周延儒入直

丙午吏部尚書鄭三俊以荐吳昌時引咎罷

丁未宴入援提兵吳三桂列澤清馬科等于武英殿。進周延
儒太師中極殿大學士廕中書舍人陳演太子太保戶部尚
書武英殿大學士蔣德璟黃景昉吳牲並太子少保戶部尚
書文淵閣大學士牲兼兵部尚書各廕監賜金幣以延儒視
師倍之。進修撰魏藻德為禮部右侍郎兼東閣大學士。

夜月食

戊申罷吳牲督師以遭延未行也所議用兵將仍赴秦督節制

。應天巡撫鄭瑄奏左良玉駐池州索餉命還湖廣

己丑罷薊州密雲分鎮以順天巡撫三屯營提兵兼之名督師
呂大器總督保定趙維岳還京通州止巡道不設巡撫昌平

止鎮撫不設總督仍戒通州昌平兵毋輕調。李遇知為吏部尚書

庚戌

辛亥以太監王之後提督京城巡捕練兵

館

壬子兵科給事中陳泰來劾周延儒冷口假道縱敵出塞上以訛傳不問。總督薊鎮趙光忭搃兵薛敏忠遣戍督師范志完擬徒山東巡撫王永吉降為事官搃督薊遼保定軍務練兵勦敵自効。以丘祖德仍右僉都御史巡撫山東

癸丑福王世子由崧嗣福王諭府部科道曰首輔周延儒朕所敬禮不謂蒙蔽推諉朕不忍爾等從公實奏

甲寅魏藻德辭禮部右侍郎許之以侍讀學士直閣藻德不辭

閣銜而辭部銜巧矣

乙卯吏部奏貪吏貪甚下法司次下臺訊

丙辰兵部右侍郎呂大噐兼右僉都御史總督江楚應皖援勦
總兵李輔明馬科各以四千人聽節制袁繼咸仍屯撫孫傳
庭仍提督陝西河南四川勦寇。前浙江左右布政使姚永濟
戍邊。給事中王都劾周延儒狡詐欺君喪師辱國

丁巳勅周延儒致仕上曰延儒佐理多年朕不盡能其謀猷皆
朕之過仍賜贖馳驛延儒奏荐蔣德璟吳珪。李自成殺其
黨袁時中時中滑人偽開州庚辰乘飢襲開州北走尋擁眾
四千人圍蒲陽漸至數萬人。都督同知唐通改鎮薊州
戊午命薊遼總督練兵三萬保定巡撫兵三萬分五千五百防

拱極城增良鄉涿州兵七千。大學士吳甡致仕。歲貢生部試改六月望廷試七月望

巳未

庚申命閱京營刀甲車矛于觀德殿上力能挽強凡弓及俱取勁重不便施用

辛酉

壬戌楚府募兵為賊應開門迎賊崔文燦榮持矛殺賊三人賊羣刺之洞腋死長史徐學顏格鬪賊支解之賊取宮中積金百餘萬楚人於是憾王之過也沉楚王華奎于江僂民數萬餘縱之出城以鉄騎戲之江中浮屍蔽江魚不可食游擊朱士鼎死之通判李敏英全家自經道臣王揚基推官傅上瑞

遁賊宣言宗室降者不殺楚宗多投牒被殺初有異人呼曰
一羣猪屠伯至矣果驗刑大學士賀逢聖衣冠北向拜被執
賊素敬之遣之去逢聖以巨艘載其家出墩子湖自中流鑿
舟溺者十二人逢聖屍沈百七十日不壞十一月壬子始出
塋逢聖字克繇江夏人穎銳夙成丙辰進士及第授編修歷
司業丁卯逆璫矯旨削籍上即位復官戊辰轉南京祭酒進
詹事憂去哀毀廬墓乙亥進禮部尚書丙子六月董東閣大
學士歷太子太保文淵閣大學士逢聖學問淵邃持心不渝
上雖鑿^其精誠仍迂視之與首輔張至發議論多忤遂致仕上
又思之辛巳二月再召入朝未數月移疾去殉難後命優卹
甲申六月贈太師諡文忠

談遷曰省會之區莫饒於楚南風不競逆腥見汚監司而
下無一禦侮之才致命之節則末流無足論也江夏醇行
涵遠身殉國難林下不忝大臣其氣節出孫承宗呂維祺
上噫武昌以食盡陷向者轉粟天下号为天府而素不積
貯俄而失守尹鐸所以貴保障也

張猷忠據楚府偽設五府六部鑄西王之寶稱武昌曰京城
蒲圻嘉魚皆降李自成聞之遺書欲猷忠歸附猷忠亦畀詞
報之。戶科都給事中吳其求上言荆襄數郡固東南要害
也相繼潰陷非守而糧盡天竭也非有奸人內應出我不意
攻我無備也撫道諸臣率護藩以去而名城一空遂使賊坐
而有之嗟乎藩誰之藩也天子眾建親王將使屏藩京室為

朝廷城社人民守亦藩王職也風鶴纔傳遂先去以為民望

空城以待賊來猶噍擁衛自功則是不必濠之深而堞之

不必三年九年除戎噐戒不虞也修練儲備明旨謂何今天

潢繡錯所在要區若皆預擬遷移一局為將來蒙飾地將維

城為可留可去之人即名都亦為可守可去之士夫使守臣

而誠護藩也平居則啟掖德調攝軍民俾無歛怨地方有急

則涕泣以告此皇上守土不可失也或出祿賜之餘以勵將

士皇上未嘗不破格褒嘉王寧不降心相從者若使輒奉以

去進無以對朝廷退復不保家室真藩國罪人矣藩亦奚賴

此臣也且功在護藩則皇上之城社人民將誰與守臣每痛

心餉日增而賊轉橫摠由欺蔽相沿務為恢張之蔽究無尺

寸之績有一題焉可借以掩罪為功則相率而效之而事功愈不可問今行問借題非止一端其顛倒功罪為將來害者則無逾于此

談遷曰諸王雖貴重下天子一等而宗法曰宗統奉約東示優吏民之上尺寸毋敢軼日者唐藩固驕蹇取戾然提兵千人勤王遂奪其社及巨寇鴟張疆圉波駭使諸王有朱虛侯之壯志北地王之義烈洒泪告吏民捐金饗士擱然操甲登陴城存與存城亡與亡誓不輕棄此土義風一倡士氣百倍而今諸王俱生長尊富不習戶外事唐楚甘於刀俎襄荆務于兔脫同匹夫之奔走失千乘之扞圉惟周王嘗捐餉百萬又不幸魚鱉其宮語云挈瓶之智不

館

失守罷諸王智不如挈瓶相隨以敗惜哉

六月癸亥朔刈起刈越猷俘伏誅

談遷曰劉起非叛者所收降盜為廝養卒其弟越又亡賴

披猖不戒一旦失固受其劫者俛首乞命異以自白故力

全丁啟睿練國事等斗大一城自錮于穿雖曰愚甚亦可

為招納亡命之鑒也

甲子

乙丑

丙寅

丁卯

戊辰召隆平侯張拱徵尚書吏部李遇知兵部馮元颺御史楊

浙江圖

鶴及桐城諸生於蔣臣於中左門臣前舉係戶部尚書倪元

戊辰召隆平侯張拱徵尚書吏部李過知兵部馮元聽御史楊
鶴及桐城諸生於蔣臣於中左門臣前舉係戶部尚書倪元
璐荐為戶部司務其言鈔法曰經費之條銀錢鈔三分用之
納銀買鈔者以九錢七分為一金民間不用以違法論不出
五年天下之金錢盡歸內帑矣吏科給事中馬嘉植疏爭之
。崇德千室村王氏田隘畝許有穀

巳巳

庚午進孫傳庭督師總制應天鳳陽安慶河南湖廣四川貴州
勦寇軍務仍總督陝西三邊兵部尚書五右副都御史鑄督
師七省之印李乾德仍右僉都御史巡撫湖北

辛未

壬申

癸酉

甲戌

乙亥詔蠲河南田租五年省直殘破州縣免二年其未殍破而

村落灰燼速奏量蠲

書

丙子

丁丑立賞格購李自成萬金爵通侯購張猷忠五千金官極品

仍世錦衣衛揮指使餘各有差注

戊寅

己卯召山東武德道兵備僉事桐城雷演祚入朝初演祚奏范

志完縱兵淫掠上詰其演祚復奏志完兩年僉事遽陟督師

不聞知兵戰守徒恃賄躐陞方建人攻德州不下去陷臨清

越五日志完兵至開州演祚入德州兵至開州演祚及求

越五日志完兵至聞陷錦州欲避入德州乘臣開門放汲求
晤答以援兵非守陴之用督師非入城之官不聞薊州以降
丁內潰乎中樞主計皆喜虛文請餉須常例凡發萬金例扣
三千兵部則推陞估闕之價叙功則視賂為優劣胡寇交訐
惟添撫添督卸脫推諉今日設屯撫明日設屯廳徒為破甑
然灰之巧何有金城寒祇之實用此臣所謂喜虛文須常例
也

庚辰議處李待問傅淑訓張國維建范志完。命太監車大任
提督南京織造。左良玉還九江亦大掠搃督素繼威見良
玉以楚撫王聚奎可給兵三百人良玉不聽巡按應天御史
鄭崑貞言根本之地諸臣日有條陳陛下日有嚴飭然對君

父則曰事、豫備相告語則曰無可奈何求一坐言而起行者無有也今剥膚之痛已在武昌明知其危而明諉之尚可謂國有人哉操撫合一之論即有垂舊制不可以行操江當勅駐池州以控上游樞臣熊明遇議論虛恢全無寔着操臣顧肇跡采石本其信地帆不一出在陛下自有鑒裁也

辛巳

壬午楊鶴為右僉都御史巡撫順天。禮科給事中袁彭年論前大學士周延儒之罪奏曰使割絕私交早引公忠廉勇之士布列閩薊胡騎即入未必披猖至此又使視師之後以封疆耗散督撫罪狀一入告則懲前毖後或收補宰宰之效願皆不出于此狗庇欺飾即此一端罪不可追臣實負國又

遑頌國論予哉。仍選武舉三科

癸未總理河道周堪廢報河決馬家口

甲申設太僕寺少卿于平涼

乙酉夜太雷雨震奉先殿左鴟吻流火鎔插劍銅環火星入殿

繞三匝

丙戌諭平賊將軍左良玉勦張獻忠於蘄黃毋老師糜餉

丁亥

戊子兵科給事中郝綱劾文選郎中吳昌時祠祭郎中周仲璉

竊權附勢納賄行私為周延儒乾子內閣票擬事閤机密事

事先知摠之延儒多慾不剛智足以掩過而忠不足以謀國

見忠直雖援護而見遠之見邪佞雖褻慢而寔昵之是以羣

負知遇耽誤封疆則延儒天下之罪人時昌仲璉則又延儒之罪人也

巳丑

館

庚寅太子太保禮部尚書林欲楫上東宮端本箴

辛卯御史蔣拱宸何綸各劾吳昌時貪險不法結錦衣衛喬可

用藉其旗尉反為居停命昌時除名聽勘

七月壬辰朔督修歷法光祿寺卿李天經言日食分数時刻與

西法各有異同上於宮中親測西法多合更令考訂求其畫

一

癸巳

甲午發帑金四十萬貯富新倉出陳納新毋輕動

乙未命駙馬都尉丹興讓告太廟火異諭百官修省

甲午發帑金四十萬貯富新倉出陳納新毋輕動

乙未命駙馬都尉丹興讓告太廟灾異諭百官修省

丙申

丁酉

館

戊戌

已亥召雷演祚及范志完面質于中左門問志完兵淫掠又金銀鞍數千兩馬百匹託左諭德方拱乾行賄京師之實演祚歷三有指因名拱乾入上問演祚前疏云稱功頌德徧于班聯者誰也曰周延儒招權納賄如起廢清獄蠲租自以為功考選科道收於門下又幕客董廷猷居間凡求巡撫搃兵先輸賄於廷猷以玉帶二珍珠十三顆作暗記連之上怒即命逮董廷猷獻上又問志完爾馬百匹送方拱乾金鞍并數千金

國朝 卷六
魏誰志完謝無有是日臣在大王莊副提兵賈芳名等單騎
敗敵又河南值建人四千大風卻之上斥其妄又問駐德州
四旬何支五日餉演祚曰彼兵止欲折乾若趙光怵兵有紀
律道山東不索餉上曰光怵亦逗遛何不叅也曰彼兵實不
擾上命演祚起問御史吳履中爾在天津察志完云何履中
對如演祚言志完飾辨上曰光怵亦縱寇逗遛獨叅志完註
服其心命錦衣衛即逮光怵而方拱乾入辨未嘗受賄如馬
百匹尤易見跡上頗然之乃退

庚子總督孫傳庭以總兵牛成虎為前鋒高傑將中軍王定官
撫民率綏夏兵為後勁檄左良玉赴汝寧夾擊

辛丑

辛丑

壬寅

癸卯

甲辰

乙巳

丙午

丁未

戊申

巳酉

庚戌

辛亥南京兵部尚書熊明遇罷以史可法為南京兵部尚書高
弘圖為南京戶部尚書胡應台為南京刑部尚書。方國安



浙江圖書館

國權

卷八

完

國朝
卷六
餽誰志完謝無有是日臣在大王莊副提兵賈芳名等卑騎
敗敵又河南值建人四千大風卻之上斥其妄又問駐德州
四旬何支五日餉演祚曰彼兵止欲折乾若趙光忭兵有紀
律道山東不索餉上曰光忭亦遠遛何不叅也曰彼兵實不
擾上命演祚起問御史吳履中爾在天津察志完云何履中
對如演祚言志完飾辨上曰光忭亦縱寇遠遛獨叅志完註
服其心命錦衣衛即逮光忭而方拱乾入辨未嘗受賄如馬
百匹尤易見跡上頗然之乃退

庚子總督孫傳庭以總兵牛成虎為前鋒高傑將中軍王定官
撫民率綏夏兵為後勁檄左良玉赴汝寧夾擊

辛丑

庚午

壬寅

癸卯

甲辰

乙巳

丙午

丁未

戊申

巳酉

庚戌

辛亥南京兵部尚書熊明遇罷以史可法為南京兵部尚書高

弘圖為南京戶部尚書胡應台為南京刑部尚書。方國安



浙江圖書館

國權

卷八

完

合副將徐懋德馬士秀步騎二萬擊賊於大治斬首千級。
逮張國維侯恂以秉樞不職弃開封不守也并責給事中方
士亮御史蔣拱辰職方郎中尹民興

壬子

癸丑

甲寅停選九嬪。趙王常泐求徙城西奴尖寨侯寇平還彰德
不許

乙卯上自訊吳昌時于中左門拷掠至折脛乃止併逮莊拱宸
俱下獄尋徵周延儒聽勅。金之俊改巡撫昌平。諭各鎮
防秋在即夕月西郊毋入衛

丙辰免各省直崇禎十二年前上供紗綾諸課

丙辰免各省直崇禎十二年奉上供紗綾諸課

丁巳議卹故總督盧象升洪承疇并覈各死事文武官

戊午

己未戒廷臣私謁內侍果有事朝房商之。徵山東漕儲道按察副使方岳貢。上聞宛平大興預稅明年行戶下巡城御

史察之

書

庚申出千金資太醫院療疫又出二萬金下巡城御史收殮自

春三月迄今京師大疫死亡日以萬計鬼物晝見內侍提舉所得鏹幣日夕收之皆紙也是後市上各設水釜辨金錢浮沉。職方員外郎朱希萊請察援兵餉籍從之。左都御史李邦華請保安東南先自臣鄉始江撫宜駐九江贛撫宜駐吉安南瑞兵備道宜駐寧州分巡湖西道宜駐永新分守饒

國朝

卷八

三十

南九江道宜駐南康又江濱民多邊賊非不肖有司弛之何
至悖謬若此故欲勦盜不若使民不為盜

辛酉

館

^月壬戌朔

癸亥路振飛為右僉都御史總督漕運。召總督京營恭順侯

吳維英協理京營兵部右侍郎王家彥及路振飛方岳貢于

中左門。常國安戰金沙洲奪賊舟百艘賊焚餘舟嬰城自

保

浙

甲子

乙丑大學士陳演少詹事兼東閣大學士魏藻德主禮闈故事

內閣首次主試時推四人陳演蔣德璟黃景昉魏藻德上命

演藻德皆有成心故不敢目景昉予告。諭兵部建

內閣首次主試時推四人陳演蔣蔣德璟黃景昉魏藻德上命
演藻德皆有成心故不教日景昉予告。諭兵部逮守失卹
死事各官

丙寅方岳貢為副左都御史。左良玉遣馬進忠復武昌遂復
漢陽及屬縣。張獻忠復陷岳州初沅撫李乾德搃兵孔希
貴以兵二萬守城陵磯令岳州民他避以軍士詐為民迎賊
入城伏發盡殲留四賊割耳貫箭縱回獻忠怒益兵進攻
乾德立虛營旁林植旗伏砲積薪其上賊以火攻之砲發殺
賊數百人益怒水陸並進乾德飾戰艦中流度矢石不及即
止已賊奮擊矢礮盡奮擊大敗之三戰三捷獻忠悉眾二十
萬圍岳州力屈城陷乾德希貴俱走長沙至臨湘知縣莆田
林不息死之

丁卯

戊辰兵部尚書馮元颺引疾左侍郎張伯鯨攝部事。張猷忠

前鋒至湘陰分軍為二一趨長沙一上荊州猷忠欲北渡三

下於洞庭湖神終不吉

己巳

書

庚午奪兵部右侍郎張鳳翔官下刑部責其諉避不議推督撫

也

江

辛未裁南京操江都御史時罷鎮遠侯顧肇跡以誠意伯劉孔

昭代之孔昭因名對泣陳文武臣掣肘事權不一故有是命

襄城伯李國楨總督京營戎政左副都御史惠世揚以輕處

鄭三俊削籍。諭入覲官荐將材令兵部彙上并文武大臣

科道所舉堪督撫總副者

鄭三俊制籍。諭入觀官荐將材令兵部彙上并文武大臣

科道所舉堪督撫總副者

談遷曰語云上求材臣殘木上求魚臣乾谷天子銳意因
治屢側其席而當事積玩反啟倖竇此奔彼競甲狗乙緣
凡語貌之誇蕩資性之跌宕俱督撫總副也朝焉受事夕
焉覆軍雖三尺之不貸猶嗜進不已因圍成市中外互蒙
莫之能救矣

孫傳庭師次閔鄉李自成會諸賊於河南自汜水至滎澤伐
木渡河搃兵列宏起以兵拒之乃退

浙

壬申

癸酉

甲戌

國權

卷八

乙亥議京西扼險京東聯絡分守。以司禮大監王承恩督察京營戎政韓贊周守備南京

丙子大雨雪。出二萬金市馬。夜月食

丁丑永王出閣就學。左都御史李邦華上言人臣奉法修職不幸而死官朝廷雖不靳帷蓋之施在臣子何嘗有希冀之想然死亦殊塗矣或庸愚尸位靡所表著或履豐席身未嘗艱楚或血胤有託箕裘玉振則溘焉長逝無以繫人深長之思而草木同腐之輩即上恩勿逮哀謝亦為固然無足惜者故左副都御史張瑋數歲而孤險阻無所不經筮仕樞曹端介蔚著衡文嶺南公明無比備兵江藩訓飭有方及進丞南京兆救荒勞瘁歷任佐院振揚風紀乞病陶身敝篋故衣起

然遠舉上無負朝廷下不負其學初目且後矣皇朝去後而

京兆救荒勞瘁歷任在院振揚風紀乞病簡身撤篋故衣起

然遠舉上無負朝廷下不負其學泐目且暎矣遑顧去後而
秉彛在人惻隱難味乞賜卹典風勵人群俾知立身行道之
士不因存沒為顯晦所閔世教匪淺小矣從之。搃兵牛成
虎敗賊於洛陽追至汝州以無繼退屯渑池

戊寅

書

巳卯

圖

庚辰誠意伯劉孔昭提督操江給三萬金治舟械守備太監韓
贊周給五萬金資操練。張獻忠斂舟數千艘將往北渡倏風
起覆百餘舟溺數千人復還岳州盡殺所掠婦女投之江焚
其舟四十里宵江如晝遂陸行向長沙

辛巳

圖

卷八

壬午大雷雨

癸未

甲申

乙酉

館

書

丙戌張猷忠陷長沙總兵尹先民何一德降賊先是武昌陷承
 天巡撫王揚基率所部千人奔長沙推官蔡道憲請還屯岳
 州謂岳與長沙唇齒也併力守岳則長沙可保而衡永無虞
 揚基曰岳非吾守也道憲曰弃北守南尚不失為楚地若南
 北俱喪亦未見謝過有詞也揚基語塞乃勉赴岳城及賊入
 蒲圻揚基遂揚帆南遁及王聚奎至亦自保駐袁州逗遛不
 進道憲復請屯岳州聚奎屯岳數日仍檄徙南沙道憲曰既

進道憲復請屯岳州聚奎屯岳數日仍撤徙南沙道憲曰既

無恢北之志岳州無恙不于此時繕兵固守乃奔之南下賊
攻岳尚慮長沙為之援若岳不守長沙豈獨全哉聚奎不納
驅萬餘人入長沙所過如洗慘甚于賊聚奎問道憲守禦之
策條上四事勿善也賊偵聚奎走率眾南下聚奎欲遁託言
曰前者蔡推官所言甚是吾當親率兵于外任職推官內守
即夜乘小舟馳百餘里入湘潭矣聚奎去巡按御史劉熙祚
以吉王由走衡州癸未賊見帥旗下無一人笑而裂之至
城下呼推官曰吾軍中皆知爾名勸吾勿犯可速降毋自苦
也道憲不應弩射之猷忠怒攻三日夜而陷執道憲百計誘
降不可磔之健卒林國俊等人追侍道憲賊勸降時道憲降
時國俊曰如吾主可降亦去矣不至今日賊云不降爾亦不

得
生國俊曰若我輩願生亦去矣不有今日賊併殺之內四卒
奮然曰願且延旦夕墓主骸而後受刃賊許之于是四卒解
衣裹骸葬之南郭四卒自經甲館五月贈太僕寺卿謚忠毅
道憲字元白晉江人崇禎丁丑進士授大理寺推官憂去起
補長沙治績甚著

丁亥

戊子

己丑

庚寅張猷忠陷衡州桂王及惠王吉王走永州。李自成築

城于襄陽城西驅難民誘官兵斬獲皆吾人也總督孫傳庭

不知其詐奏賊聞名皆驚潰臣摺肅清豫楚不以一賊遺君

江圖

不知其詐奏賊聞名皆驚潰臣摺肅清豫楚不以一賊遺君

父

辛卯

九月壬辰朔諭吏部有司多闕令會試副榜百二十人定銜盡

行除補到任有願再會試者聽。上閱都人疫諭修省釋輕

繫。大學士黃景昉予告。巡撫綏延右僉都御史崔源之

免

癸巳周王恭枋定居彰德

甲午

乙未

丙申張猷忠陷寶慶

丁酉

浙江圖

國權

卷八

戊戌

已亥摠督孫傳庭次汝州偽都尉李養純率所部來降知賊弁
兵守寶豐進擊賊堅守不下 館

庚子

辛丑攻寶豐賊救至摠兵白廣恩中軍高傑分擊之已克其城

擒偽州牧陳可新斬數千級

圖

壬寅孫傳庭兵南行大雨六日糧車日行三十里又道淖未至

士馬俱飢或勸傳庭旋師就運傳庭曰吾軍行已六日七日

度即還軍亦饑寧能濟乎要當破一縣續食耳

癸卯

甲辰攻邦縣入之俱窮民騾羊二百餘頭頃刻間分鬻食盡不

甲辰改邦縣入之供窮民騾羊二百餘頭頃刻間分鬻食盡不

足給

乙巳

丙午策貢士賜楊廷鑑等進士及第有差。諭朝臣凡失事定罪戰守定賞餘限奏十日餘犯矜疑可速結毋再延朕久服浣濯衣今日減膳外各衙門裁節事宜各條對

丁未吉王

由

桂王常瀛並至永^國御史劉熙祚護吉王抵衡

州值桂王走永州迎之方舟而前

戊申

己酉命河北山西就近西餉孫傳庭兵時傳庭前鋒盡收賀一

龍

左金王故部皆致死于賊而高傑悉賊情形三戰三捷自成

奔襄城自守食匱有飢色。左副都御史方岳貢言四事清

言路以正人心定推陞以養廉耻責吏治于荒殘宜選擇良

吏儲將才于部伍宜專精校閱上是之

庚戌張猷忠追二王于永州官兵星散夜至茅粟舖執巡按御

史刘熙祚誘降不屈時猷忠分軍為三一往永州一入全州

一犯袁州猷忠歸長沙開科取士

辛亥

壬子孫傳庭軍乏餉兵噪汝州

癸丑刘芳名為總兵鎮守柳海榆林李守鏢為總兵鎮守居庸

昌平

甲寅作新鈔戶部尚書倪元璐上言內設鈔式命臣詳議鈔法

歲有五十萬之入籌國長計孰便于斯而或以久廢乍復人

浙王圖

則駭之不知此即民間之會票也宋時謂之錢引終元之世
錢法不行尚爾用之不匱况復化裁通變稽古宜民乎主事
蔣臣上八事曰速頒榜文十七年三月製鈔秋冬間行約行
鈔五千貫可蠲賦五百緡曰詳算界法歲行五十萬五歲為
界一界之後以舊易新曰制作宜工御前頒背水研質厚文
清間民難做約費五釐一張曰_倒換宜信每鈔一貫納銀九
錢七分通行輸官俱准銀一兩換錢一千曰推行宜審有司
於出入抑勒或私取金銀計贓定罪盡徙其家於邊屯田自
贖曰積貯宜裕歲入五十萬量留其一于郡縣積穀曰早開
鑄局頒鈔法即宜頒錢法曰設重宜重錢法以部侍郎督理
寶源局又有專官錢法亦宜增設

國初行鈔法匪獨祿賜已也民輸賦賈輸稅俱兼
金錢而三之上下相通其後賦稅專以金錢鈔法遂壅倪
司農曉人也議復鈔法欲專行於民間則自閔之道矣且
鈔一貫納銀九錢七分易之在官其衡必重或昏吏例索
是空鈔費一金不止雖甚愚不為也孔子曰因民之所利
而利之利不通於民庸可膠古而強之乎今日廟議大概
畫餅此類是也

孫傅庭兵潰于襄城降盜李際遇陰通賊謂官兵疲矣賊大
至傅庭問諸將若何搃兵高傑曰請戰白廣恩曰吾軍困宜
駐師分據要害步為營以薄賊易耳傅庭恐賊走廣恩曰
即賊走我乘而擊之士氣愈奮傅庭曰將軍何怯獨不如高

將軍耶廣恩不懌又前覬搃統各營方快引所部八千人
去之傅庭亦無如之何賊前鋒曰三堵牆其隊一紅一白一
黑各七十二百人紉重布為甲刃矢不能入接戰而敗陷泥
淖中殺傷三四千人高傑立崩上望曰不可支矣麾眾退
入於河死亡四萬餘人傅庭與傑以數千騎走河北遇巡按
御史蘓京曰君自為計我當以寔聞

乙卯進定國公徐允禎太子太傅寧晉伯劉光溥太子太師彰
武伯楊崇猷少傅宣城伯衛時春少保悉皆督巡著勞以績
也

丙辰

丁巳召進士陳丹衷于德政殿丹衷請身往廣西以募諸土司

兵

戊午李自成攻潼關白廣恩擊破之賊不退孫傳庭亦回潼關
衆尚四萬

已未

庚申張猷忠毅巡按湖廣御史劉熙祚于寧鄉熙祚字仲緝武
進入天啟甲子貢士永州陷題署壁有長宏化碧非豪事由
此孤忠向九天之句熙祚年五十七弘光初贈左都御史謚
忠毅。程註為南京工部尚書張鳳翼為右僉都御史巡撫
延綏。寇陷蒼溪。總理京東宣大屯務右副都御史周應
期言各道所報有一邑荒千五六百頃有通邑不滿頃詳詢
其故若積逋若雜差而雜差中如驛馬俵馬芝麻綿花絨等

其故若猶逋若雜差而雜差中如驛馬依馬芝麻綿花絨等
尤苦富人傾貲貧人逋逃即日募墾種何益皇上痛念殘地
持免錢糧二年則內庫芝麻花絨等皆免矣與其發帑而勸
耕不如使民自耕為長策與其避役而招集不如先寬其役
為至恩

十月辛酉朔副^總兵沈萬登復汝寧萬登汝寧大俠也聚鄉勇萬
餘人李自成偽授威武大將軍不受總督鳳陽馬士英版授
副總兵是日偽威武大將軍馬尚志蒞任萬登潛遣諜入城
因擁眾入斬五百級誅尚志獲印擒汝寧偽防禦使金有章
偽府尹鄧璉偽推官邵士麟偽汝陽令樊仲表偽固始令呂
相周鎮汝都尉侯可畏陳士榮吳勉黃袞龍馮執。總兵劉
良佐等以鳳泗兵副總兵馬得功以禁兵合趨潁州沈兵丘

縣

壬戌召廷臣于中極殿令各舉清吏。守備王民秉復光州擒

偽光州牧方燧偽判官鄧來鳳。偽將李過陷閩鄉

癸亥徐州^別摠兵金聲桓討蕭碭諸盜平之初蕭縣盜王道善等

陷縣城焚徐州北閩桃源盜程繼孔合之永城餘寇朱安世

燕青等相煽于徐宿歸永間教桓以九月丁亥巳令兵分討

程繼孔請降以兵守之是日拔諸寨斬二千八百餘級。山

東摠兵劉澤清圍沈丘偽令周維新堅守不克。李自成間

道緣山岷出潼關夾攻官軍大潰孫傅庭死之摠兵白廣恩

遁或曰李過追孫傅庭獲師坐轟疾馳潼關給守卒乘間突

入巡按御史金毓秀峒走河上渡免總督孫傅庭竄五臺山

為僧

甲子以馬岱為總兵鎮守保定。李自成結陣而西連陷華州渭南殺渭南知縣楊瑄邑人南宗禮部尚書南企仲遇害子禮部主事南居業炮烙死後贈瑄按察使僉事廕監居業光祿寺少卿。馬士英進兵河南副總兵莊朝樑以三千騎來會汝南道韓煜復息縣擒偽令張文彬義兵帥申夏今志復上蔡擒偽令熊新運。大圍堡土賊勾張其在圍萬載知縣遁賊二千餘入城三日改龍城縣

乙丑聞建人屯三山海關外總督王永吉趨永平發內帑銀十八萬戶部銀十萬資餉。余應桂為兵部右侍郎張縉彥為兵部左侍郎添設徐啟元為石僉都御史撫治鄆陽鄆陽以

降將王光恩同啟元固守李自成百道攻之終不下。李自成陷臨潼。張其在陷萍鄉棟崩賊分萍鄉醴陵境上檄萍鄉知縣造舟獻馬于是瑞表臨江新喻分宜之人俱空

丙寅諭有司贖鍰除苗額積穀外俱充餉。諭兵部撫賞薊密宣大屬夷。巡撫陝西右僉都御史馮師孔知寇棘急入西安收保午刻設城守俄寇至是夕高傑逃至城中不納寇攻城

丁卯給事中龔鼎孳下獄。巡撫遼東右僉都御史黎玉田報建人牛車二百餘輛運炮薄山海關上下兵部計之尚書馮

元颺輿疾口畫

戊辰李自成陷商州屠之殺商雒道兵備副使黃世清閩中人

心瓦解後贈世清光祿寺卿

己巳援勦搃兵白廣恩加蓋寇將軍給兵三萬

庚午禮科都給事中沈胤培請放庶吉士從之。張猷忠陷常德。張猷忠遣部將以二百餘人趨連州南巔兵備副使無錫王孫蘭駐韶州兵不備百使十輩請兵得羸卒七百人復以他警一夜撤去至是聞之遽自經知州逾城遁樂昌乳源仁化自潰韶州吏民縋而逃盡

辛未兵科給事中曾應遴奏孫傅庭霧置失宜致白廣恩生心西奔各營隨之為賊所乘或言廣恩與高傑不合掉臂而去則廣恩固可斬也上方信廣恩不聽。張猷忠以千人屯袁州北張家口是日張其在自瀏陽景載會袁州三人俱迎降

賊白旆鳴礮入袁州北門左良玉以副總兵吳學礼援袁州
次于新喻明日次分宜

壬申括民間廢銅鑄錢起任濬兵部右侍郎兼右金都御史
摠督河南湖廣軍務並巡撫河南

癸酉西安城陷以奸人內應也巡撫右金都御史原武馮師孔

按察使羅山黃綱長安知縣山陰吳從義西安右衛指揮崔

尔達俱投井死後贈師孔右都御史綱大常寺卿從義按察

僉事秦府右長史會稽章世綱自經士紳死者甚眾前巡撫

大同右僉都御史三原焦源溥罵賊磔死前山西叅議咸寧

陶尔德被殺懷慶通判咸寧竇元儀拔貢前儀封知縣長安

徐方敬貢士前葑城知縣咸寧劉芳敬貢士並投井死前巡

撫宣府右僉都御史三原焦源青自經前河南叅議咸寧

撫宣府右僉都御史三原焦源清自經前河南叅政咸寧祝
萬齡萬齡子于宸諸生也亦從死後源溥源清復秩萬齡贈
太僕寺卿前山東監軍僉事涇陽王徽七日不食死雲南按
察使臨潼任中鳳膏表至寶鷄聞西安失守遂道服入華山
次年其兄中麟以山東督學弃官至偕隱中麟甲戌進士中
鳳辛未進士都司 丘從周蜀賊死左布政使陸之祺等俱
降援勦搃兵白廣恩逃而返降之李自成據秦王府封秦王
存樞權將軍永壽王誼侃制將軍世子妃劉氏曰國破家願
亡願求一死自成遣歸外家賊分兵下屬縣蒲城知縣朱一
統議守從卒俱散賊脅其降給以更衣抱印投井死後贈按
察僉事廕監初自成在楚議所向牛金星請先取河北直擣

京師楊承裕欲先據函京斷漕運獨傾君恩曰否：如克據
留京勢居下流難^濟大事其策失之緩直搗京師萬一不勝退
無所歸矣其策失之急不如先取^{關中}為元帥桑梓之邦且
秦都百二山河已得天下三分之二建國立業然後旁掠三
邊資其民力攻取山西後向京師庶幾進有可攻退有可守
方為全策自成從之賊好殺掠^{半金星}勸以不殺遂嚴戢其
下民間安堵輒相誑惑人無鬪志秦藩富甲天下初戶部尚
書倪元璐奏藩秦晉山陰用武固也宜諭兩
藩以勦賊保秦責秦王以遏賊不入責晉王二王能任殺賊
不妨假以大將之權如不知兵宜悉諭所有與其齎盜何如
享軍賊平之後益封兩藩各一子如親王亦足以奴之矣兩

藩獨不鑒十一宗之禍乎賢王忠而契于計必知所處矣疏
上不報

談遷曰孫傳庭合十萬之師兵甲芻糧俱取辦閩中民無
餘力并銳出閩全師覆潰秦人重足而立勢不自固潼關
失守喘息已奪惜哉以百二之險匹夫振臂而隳之易如
拉朽諸紳士狗難皎然不污西稱西京重節義非耶獨嘆
國家敦親之誼甚渥而諸宗多淹抑以死如秦晉号富甲
天下其不自引決將以朝菌之壽榮寡人乎

副總兵屠師賢復陳州擒偽州牧洪翼聖偽判官初安國汝
寧義兵復信陽州擒偽防禦使黃閣偽州牧黃珩闖江陵貢
士翼聖安國俱荊州諸生。吳學禮以都司蒲秉良三百騎

趙袁州。唐鈺為鎮朔將軍，搃兵鎮守宣府，給三萬金，兵六千馬三百。

甲戌授進士陳丹衷河南道御史同副搃兵朱大用往調廣西土司兵賫土司銀花蟒絹。覈南場壬午硃墨初南榜出官室子登七十三人物議藉。周延儒弟正孺子奕封預馬延儒自言于上特賜二百金箱輿。汝南道韓煜合鳳陽兵河南義兵克沈兵初偽令周維新力守我作木牛藏壯士以汝濠水坎其城邑人懼縛獻維新及典史司廣學正以澄壽偽學正汝寧府胡朋德。吳學孔圍袁州偽將丘仰寰拒守都司高山先登擒斬二千四百餘級獲馬二百匹追斬丘仰寰復袁州臨江吉安人多逃山谷官兵濞殺獻俘于是村豪

皆屯結山谷拒官兵巡撫郭都督檄徹兵回九江招安士土
著戍三郡

乙亥

館

丙子上閱勲武臣子弟騎射

丁丑張其在陷吉安府官兵既撤賊自長沙突至分巡湖西副
使岳雲杰方閱軍於效俄報賊至皆潰雲鬣微服遁署府通
判朱奉銳推官韓日將俱遁去吉安知縣沈中柱永新知縣
黃受封署福安通判邵夢柯泰和知縣列國良皆走諸縣同
日而陷賊分兵設偽官改吉安為親安府廬陵為順民縣張
其在檄袁州人先逃賊復入袁州

戊寅上自用銅鍋木器屏金器銀命文武諸臣各當省約戒官紳

黃藍絹蓋士子紅紫衣履庶子人錦繡絲紵金玉珠翠衣飾
俱論違制

談遷曰先帝身先儉約減膳却珍服浣濯之衣而臣民奢
習如故以名美而朝夕易令也督撫月易內自歲遣徵租
之使不避灾旱大本已撥雖屢下尺一特故紙玩之屋漏
在上知之在下諒哉

貢士祝淵削籍下鎮撫司以前疏救劉宗周詰所使也

已卯

庚辰李化熙為右僉都御史巡撫陝西。李自成改西安府曰
長安禁鄉民短後衣明年糧每石徵一兩二錢今冬每石折
草六千斤輸長安各縣遣驛三百徵粟千石大其斗榜掠臣

巨室助餉渭南工部尚書南居益掠死涇陽前按察副使楊國柱黃冠遁去後贈居益太子少保。禁諸生刻稿

辛巳鳳陽地屢震

館

壬午

癸未總督九江呂大器以五千人援吉安次峽江邑人執知縣以待賊反拒援兵。給之曰張猷忠至矣邑人出迎猷印及馬二十五官兵入城斬奸民殆盡。李自成分兵略鄜延中部知縣朱新選闔家自經前漕儲道叅政安定張國紳居西安自成召見稱殿下語次大有成大悅授刑政府侍郎國紳同年文翔鳳其繼妻鄧氏能詩荐于自成名為後宮內師。張猷忠在長沙五九營左良玉合馬進忠之騎赴袁州以惠

登相規復襄陽劉洪起規復南陽。免懷安桐城田租。命
各巡鹽御史以辛巳壬午癸未三年附正引配銷仍以癸未
正額配銷壬午正引

甲申

乙酉大學士王應熊入朝陞見請老許之賜金幣應熊以周延
儒荐起上尋悟其非時遣緹騎趣延儒入日遣人偵之知延
儒約應熊密語又令其先抵京而身繼之上怒延語久延遂
不敢滯。張獻忠遣馬賜以千人下臨相取米及釜方國安
令戎旗營叅將方元科進次蒲圻。鳳陽兵平汝寧土寇略
盡惟徐道何騰蛟招降程繼孔蕭碭俱平會閩中潰鳳泗大
震馬士英撤其兵歸屯壽州

震馬士英撤其兵歸屯嘉州



浙江圖書館



浙 江 圖 書 館




浙江圖書館

浙江圖書館

005033

1954年



浙江圖書館




浙江圖書館



浙江圖書館善本

甲登記號：005033

一九 年 月 日







TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black